



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### De Adoratione Eucharistiæ

Boileau, Jacques

Viennæ, 1743

Cap. III. Diluitur objectio assumpta ex traditione trium priorum Ecclesiæ  
saculorum.

[urn:nbn:de:hbz:466:1-49201](https://nbn-resolving.org/urn:nbn:de:hbz:466:1-49201)



mis sæculis Ecclesiam illustrarunt, non mirum est infinita testimonia adorationi Eucharistiæ conducibilia a nobis non inventum iri. Nullum eidem adorationi contrarium conceptis verbis proferre potuit Dallæus, adeoque semper se maxime argumentorum negativorum aggere cinxit, & obfirmato pectore defendit, S. Justinum, S. Irenæum, S. Clementem Alexandrinum, Origenem, Tertullianum, & S. Cyprianum de adoratione Eucharistiæ nihil dixisse.

II. Sed libri I. capp. 2. & 3. abundanter demonstravimus, S. Ignatium Martyrem, & Origenem suam voluntatem aggregasse ad tuendam adorationem: & capite quod antecessit, S. Justinum contrarium non fuisse, immo vero naturaliter propitium ostendimus. Quod vero spectat S. Cyprianum, non est difficile probare, tantum Virum inter adversarios adorationis ab hominibus opiniosis incredibiliter recenseri: quippe cum dicat libro de Oratione Dominica, pag. 224. edit. clariss.

clariff. Nicol. Rigaltii, Eucharistiam esse *panem nostrum*, quemadmodum Christus est *pater noster*, quoniam panis vitæ Christus ipse est. Nam panis vitæ Christus est, & panis hic omnium non est, sed noster est: & quomodo dicimus, *pater noster*, quia intelligentium & credentium pater est; sic & panem nostrum vocamus, quia Christus, noster (qui corpus ejus contingimus) panis est. At vero cum dicitur Christo, *Pater noster*, ei cultum adorationis exhiberi non dubium est: adeoque cum ex S. Cypriano panis vitæ, scilicet Eucharistiæ, Christus sit, & sit panis noster, sicut Christus pater noster est; incredibile & improbabile est, S. Cyprianum non existimasse panem vitæ esse adorandum, rogandum & invocandum. Hanc veritatem mirifice confirmat continuo sermone: Et ideo panem nostrum, id est, Christum, dari nobis quotidie petimus, ut qui in Christo manemus & vivimus, a sanctificatione ejus & corpore non recedamus. Constat igitur ab institutis veritatis nihil magis alienum sibi fingere potuisse Dalaëum

læum, eo silentio de adoratione Eucharistiæ apud Patres trium priorum sæculorum: inter quos S. Ignatium, Origenem, & S. Cyprianum adorationi patrocinari non dubium est; & ex S. Irenæo, Clemente Alexandrino, & Tertulliano quidquam adversum aut contrarium proferre non potis est.



## CAPUT IV.

*Explicatur sententia S. Basilii Magni de ostensione Eucharistiæ, & S. Germani Constantinopolitani. Objectio assumpta ex novitate ostensionis Hostiæ inter solennia Missarum, diluitur.*

I. **C**UM ostensio seu elatio Hostiæ sanctissimæ sit tantummodo cultus exterioris effectus, neminem hominem dubitare existimo quin ritus ejusmodi, cum pluribus aliis cæremoniis, ab Ecclesia, non ab ipso Christo proxime institutus sit. Quamobrem